

Տրօխպէրներսւ կուշտ, ըսեց.— Յո՞րի իք էկի:

Ըսեցին.— Քու հէր սպանեցին, էկեր ինք քրդի տանինք:

Հարցուց թէ՛— Ո՞րն է սպանէ իմ պապուն:

Ընդոնք լէ ըսեցին թէ՛— Ձմկեր սուլթանի ախչիկն է սպանի:

Առան Մհերին ու գացին¹⁾:

Տարան, Դաւթի շորեր հագուցին, ու Դաւթի սիլահ կապեց վրէն. ձին լէ քաշին, բերին էդ տեղ, ու Սըփ նշան համբուրեց, դրեց ծոց, ու ընկաւ էրկրներ ջարտել. էլ թաց ու չոր չհարցու: Քշեց Ձմկեր սուլթանի քաղքի վրէն. Խոր-Մանուկ²⁾ լէ հետ տարաւ. Ձմկեր սուլթանի քաղաք աւիրեցին³⁾:

Աւ էդ տեղէն առան, գացին ուրիշ քաղքի⁴⁾ մի վերայ. գացին, տեսան, օր էդ քաղաք իսկի մարդ չ'կէր. Մհերի ահուց բիրադի փախած էն սարեր:

Տեսան էդ քաղքի մէջ մէկ բուխերկից ծուխ կ'էլնէր. բշեց

¹⁾ Ա. վարիանտով՝ Մհեր լսելով հօր մահը, չլաց ու քիթ ու բերնի վրէն ընկաւ. եօթ օրից յետոյ միայն տեղից վեր կացաւ և գնաց Սասուն:

²⁾ Ա. վարիանտով՝ Մհերին միանում է ճոռ-Վիրապ կամ Խոր-Վիրապ. պատմողը շփոթում էր այստեղ այդ երկու անունները: Խոր-Մանուկը Քեռի-Թորոսի որդին է, բայց Խոր-Վիրապի և ճոռ-Վիրապի ծագումը յայտնի չէ վարիանտի մէջ:

³⁾ Բ. վարիանտով՝ Մհերը իւր հօր հոգին հոգալուց յետոյ, տէրտէրի հագուստով ծպտուած՝ գնում է Խլաթ. պատահում է Սուլթան Գըմիթին, որ ջրաղացի քարը «քարման» (իլիկ) էր շինել և թել էր մանում: Մհեր ճանաչում է նորան և տեղեկանալով որ, հօրն սպանելուց յետոյ, իրեն էլ է ուզում սպանել. խորամանկութեամբ իւր մօտ է կանչում և երկու կտոր անում: Աւերում է Խլաթը, մի կատու էր մնացել, նորան էլ Ձինով-Յովանի օգնութեամբ թնուներան ահից՝ հանելով սպանում է:

⁴⁾ Ա. վարիանտով Մհեր միայն մի քաղաք՝ Խլաթն է աւերում, և այստեղ են լինում մի տէրտէր իւր կնոջ և դստեր հետ (Փիրմուս, Դեղձոն):